

He Whakamāramatanga mō tēnei Tūranga – Irirangi Te Motu



Te tūranga:	Tumuaki o te Rīpoatatanga
He kirimana poto:	Hune 2023
Wāhanga/wāhi pakihī:	Te Whanganui-a-Tara (mariu) / Mamao (me hāereere tonu pea)
Ka tuku kōrero ki:	Te Tumuaiki o ngā Take Pūtea
Rīpoata Horipū:	1-2
Ka tīmata te kirimana:	Hei te Māehe 2021 (mariu)
Wā whakakapi mō ngā tono:	5pm 4 Māehe 2021

About NZ On Air

NZ On Air is a public media entity created to increase the diversity of local content available to New Zealand audiences. Our prime statutory objective is to reflect and develop New Zealand identity and culture.

Mō Irirangi Te Motu

He hinonga tūmatanui a Irirangi Te Motu i whakarewa ai hei whakawhānui i te matatini o ngā kaupapa ā-rohe ki ngā whakaminenga o Aotearoa. Ko tā mātou tino whāinga ā-ture ko te whakaata me te whakawhanake i te tuakiritanga o Aotearoa me tōna ahurea.

Te whakangao i te Rīpoatatanga Toitū

He rāngai pāpāho ora – arā, ko te aronga mai a te marea ki tēnei mea te rīpoatatanga tūmatanui (public interest journalism) – koinei pū tētahi o ngā waehanga matua o te manapori tuwhera, o te manapori whakaurunga, o te manapori anga-whakamua anō hoki.

Kua whakarewahia e te Minitā o ngā Take Pāpāho tētahi haupū moni ki te tautoko i te rīpoatatanga tūmatanui (public interest journalism) kia mātua mōhio ai ngā hapori puta noa i te motu ki ngā take e pā ana ki a rātou.

Ko te whakapākehātanga o te “rīpoatatanga tūmatanui” (public interest journalism) ko te “journalism that contributes to a person’s ability to function as a valued and informed member of the community in which they live and work”.

Kei te whakangaohia e te Kāwanatanga tētahi \$55 miriona tāra hei ngā tau e toru ki te tautoko tonu i te rīpoatatanga tūmatanui puta noa i ngā hunga pāpāho o Aotearoa.

Ka wātea mai tēnei kohinga pūtea mō ngā tau e toru, ā, e \$10 miriona tāra mō te tau pūtea 2020/21, ā, e \$25 miriona tāra mō te tau pūtea 2021/22, ā, e \$20 miriona tāra mō te tau pūtea 2022/23.

Mō tēnei tūranga

Mā te Tumuaki o te Rīpoatatanga e ārahi i te waihangatanga, i te whakawhanaketanga me te whakatinanatanga o tēnei haupū moni. Matua rā me tika, me whānui hoki, te reretahi me te tūhono ki te hunga whaipānga me ngā tari karere puta noa i Aotearoa hei whakatutuki ai i ngā hua e whai ake nei:

- te pupuri me te whakawhanake i te rīpoatatanga tūmatanui, kounga ake nei
- te whakawhānui i te matatini o ngā kaupapa, o ngā whakaaro, o ngā tātaritanga mai i ngā tini uepū pāpāho
- te tautoko i te rīpoatatanga tūmatanui ki ngā taumata ā-motu, ā-rohe, ā-takiwā anō hoki
- te whakaputa tonu i ngā kaupapa e pā ana ki ngā kōrero me ngā whakaaro ā-rohe.

Ngā tino haepapa

- Ka whakahaere i te waihangatanga, te whakawhanaketanga me te whakatinanatanga o te haupū moni (arā, te paearu mō ngā kaitono, mō ngā tāpaetanga, me ngā mehua angitū matua)
- Ka arotake, ā, ka taunaki i ngā panonitanga ki te haupū moni, ki ngā aratohu, ki ngā kaupapa here anō hoki kia tika te whakatutuki i ana tino whāinga
- Ka ārahi i te tūhono ki ngā hunga/aumahi whaipānga me te uiuinga tonutanga
- Ka whakawhanake ngātahi me te rāngai pāpāho i tētahi wāhanga whakangungu o te haupū moni
- Ka tautoko tonu i ngā kaiwhiwhi; ka tuku kōrero āwhina ki a rātou
- Ka mahi ngātahi me te Tumuaki o ngā Take Pūtea kia tutuki pai ai ngā whāinga a te NZ Media Fund
- Ka waihanga aroturuki paearu mahi kia tika ai te whakahaere i te kaupapa, kia tutuki pai ai ngā whāinga
- Ka whakawhanake, ka whakatinana hoki i ngā rautaki tika mō te whakarite me te whakahaere mahi
- Ka whakarite i ngā Pepa Poari
- Ka whakarewa i ngā hātepe tika hei whakahaere, hei whakamātau hoki i ngā kōrero ka whakapuakina
- Ka mahi ngātahi koe me te tīma Rangatōpū Ratonga ki te aroturuki i te aronga mai ki ngā whāinga; kia tika tonu ai ngā mahi rīpoata me ngā here-ā-kirimana – arā, ngā whakaaetanga ā-ture ki ngā tari karere, ki te whakarite mahere me te rīpoatatanga ā-roto
- Ka aroturuki, ka whakahou hoki i te katoa o ngā rautaki me ngā wātaka
- Ka tika te whakahaere i te mahere pūtea; arā, ka aroturuki i te utu a ngā kaiwhiwhi.

Ōu pūkenga

E whai ake nei ko ngā pūkenga e hiahiatia ana mō tēnei tūranga:

- **Pūkenga whakapā, pūkenga whakawhanaunga** – Me nui ōu pūkenga whakapā, pūkenga whakawhanaunga hoki ki ngā tari karere e angitū ai koe i roto i tēnei tūranga. Ka taea e koe te tohatoha kōrero, whakaaro me ngā wheako ki ētahi atu i roto i tētahi wairua kipakipa, wairua whakakata anō hoki, me te whakatipu i te tiakitanga ki roto i tō tīma me ō hunga whaipānga. Ka taea e koe te whakapā ki ētahi atu mā te whakaute, mā te whakahangahanga, mā te manaakitanga anō hoki.
- **Mana taurite** – Ka ū koe ki te rīpoatatanga mana taurite ki Aotearoa.
- **Whakataunga** – Ka taea e koe te whakataurite i ngā tino whakaarotau i roto i āu whakataunga. He tere koe ki te whakatau raru kia kaua ai ērā raru e whakawhānui ake, ā, kei a koe ngā pūkenga hei whakatau me pēnei me pēnā. Ka ara mai ana tētahi raru, ka taea e koe te whai whakaaro nui ki tō uepū whānui, kaua ki tō wāhanga noa iho.
- **Herenga** – Kei a koe ōu ake haepapa kia whakatutuki ai koe i āu mahi. He tangata whai tikanga koe, ā, he mea nui ki a koe te tiaki i tōu ake mana.
- **Mahi ngātahi me te whakahihikotanga** – Ka whakahihiko koe i ō hoa mahi kia angitū ai rātou, ā, ka akiaki koe i tēnei mea te kotahitanga. Ka akiaki hoki koe i ngā hononga ki ngā hunga whai pānga.

Mōu ake

- Kua riro i a koe ōu tohu mātauranga rīpoatatanga
- E mārama ana koe ki ngā kaupapa karere me ngā whakahaeretanga o ngā kaimahi tari karere
- He wheako ōu hei kaikohi karere mātāmua, ā, he hohonu tōu mōhio ki te horopaki rīpoatatanga o Aotearoa; arā, tōna māketete ā-rohe me ōna wero
- Ka taea e koe te tūhono ki ngā tangata whenua, ā, kei te ū koe ki Te Tiriti o Waitangi
- Ka mārama koe ki te Maihi Karauna mō ngā haupū karauna, ā, he mea āwhina tō mōhio ki te reo Māori me ōna tikanga
- He wheako ōu ki te whakahaere tangata
- He wheako ōu ki roto i te ao tātari raraunga
- He wheako nui ōu ki te whakatinana i ngā rautaki pāpāho hei whakapā atu ki ngā whakaminenga; ā, pai ake mehemea i ahu mai koe i tētahi taiāo pāpāho-taurea
- He hiahia ōu kia pono ai koe, arā, kia kōrero mai koe i ō hapa, kia whai tikanga koe, ā, kia ū tonu koe ki te whakapakari i a koe anō me te whai tohutohu.
- Ka whai koe i ngā ture me ngā kaupapa here katoa e hāngai ana ki a koe me tō wāhanga haepapa.

Hauora me te Haumarutanga

- Ka ū koe ki ngā tikanga me ngā herenga Hauora me te Haumarutanga, ā, mehemea he raru ka ara ake, ka tika tō whakamōhio mai ki tā te NZ On Air Health & Safety policy e kī ai

He mea taineke ā mātou mahi, nō reira ākene pea ka rerekē ngā whakamārama kei tēnei pūrongo. Nō reira, kia mataara ki ēnei rerekētanga. Mehemea he panonitanga nui ki tēnei whakamāramatanga, matua rā me whakaae tahi tātou ā tuhi nei ki aua panonitanga nui.